



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

De Pœnitentia & Excommunicatione 113

urn:nbn:de:hbz:466:1-34315

principere, ut unicusque peccata continuo remittantur, qui se tantum indicat, & in genere peccatorem fatetur. Verum, tu Christiane Lector, Vide, quid hac de re Liber Reformationis prescribat, & nimium impudentis ac peruvicacis calumniae Aduersariorum te miserebit, qui adeo non considerant, seipso nullam omnino satisfactionem docere vel exercere: sed eius loco grauem & horribilem contemptum diuinę Majestatis, dum Rosaria aliquot, Pater noster, vel alias precatio[n]es, missas, peregrinationes, & id genus alia pro satisfactione hominibus imponunt.

Sanè si Canones valerent, & satisfactiones ab omnibus exigerentur, nemo verò ad falsam & inanem confessionem absolveretur, nisi prius debitam satisfactionem suam demonstrasset, iamdudum Ecclesia Dei ab istis suis hostibus, scriptisque calumniosis, & aliis Christianae Reformationis oppugnationibus liberè ac securè fuissent. Canonicae enim satisfactiones iamdudum ab ordine Clericali, & cumulatorum beneficiorum assumptione eos remouissent: & quamvis se emendarent, ac multa illis gratia impertiretur, tamen solummodo inter Auditores & Procidentes admitterentur.

Quarta pars.

De Excommunicatione.

De unica ratione & via excommunicandi.

De Admonitione ante excommunicationem.

De iis qui prater Pastorem ad excommunicandum electi sunt.

Quis debeat excommunicare & ubi.

Quatenus excommunicati debeant vitari.

Quas ob causas Christiana excommunicatio exercenda.

Quomodo excommunicati soluendi.

C A P. C XIII.

Sicut in precedenti Articulo, ita etiam in hoc praesenti, de Christiana excommunicatione, admodum perficta fronte, ac temere Librum Reformationis taxant. Sunt autem sex principiæ partes, quibus tota Reprehensio continetur. Antididag. fol. 88.

Prima est, duas esse excommunicandi formas, quas Liber Reformationis confundat, nec recte distinguat.

Altera, Librum velle, ut nemo excommunicetur, nisi primum à suo pastore, & certis quibusdam ad hoc designatis, fuerit admonitus.

Tertia, quod peculiares aliquot viros Parochi adjungit, qui peccatores admoneant.